

**GOVOR
KOMEMORACIJA GENOCIDA U SREBRENICI
11 JULIA 2021
ZENEVA**



BOSANSKA VERZIJA

Dragi prisutni,

Zahvaljujem se Džematu i Udruženju Solidarité Bosnie u ime Komisije što su organizirali današnju komemoraciju.

Zahvalna sam, također, što su nam dali priliku da se obratimo pred vama.

Danas vam se obraćam ispred Komisije Bijelih Traka.

Mogla bih vam pričati o Komisiji, o Bijelim Trakama, o strahotama koje su se od ranog proljeća 92 dogodile u mom Prijedoru i koje su na neki način dovele do strahota koje su se dogodile na ovaj isti dan 1995 godine u Srebrenici.

Mogla bih, ali neću!

Danas neću, jer smatramo da nije ni vrijeme ni mjesto za to.

Po našem mišljenju, ako godina broji 365 dana, današnji dan je, i treba biti posvećen Srebreničkim žrtvama i njihovim hrabrim majkama, koje su se izborile da se sazna šta se to dogodilo i da je to nazvano jedinim pravim imenom : Genocid.

Neka nam budu primjer!

Nije lako pričati danas.

Nije lako naći prave riječi.

Možda bi najbolje bilo danas šutjeti , a ostalim danima pričati...

Ali ipak, pošto nam je već data prilika, mi iz Komisije, mi iz Prijedora želimo odati počast Srebrenici kroz pjesmu jednog mladog pjesnika.

Mirnes Omerovic je dijete Podrinja. Iz Bratunac je.

Mirnesa sam upoznala i virtualno smo ga ugostili u maju uoči obilježavanja Dana bijelih traka.

On je kroz svoju knjigu "Prijedorska Matura" odao počast ubijenoj djeci Prijedora – njih 102.

Željela sam danas pročitati Minesovu pjesmu o Srebrenici,

ali Mirnes nije pisao o Bratuncu, ni o Srebrenici.

Kada su ga Pitali zašto???

Odgovor je bio slijedeći ; lakše je napisati 102 pjesme nego 8372... lakše je napisati 102 pjesme nego pisati o 252 Omerovića koji su ukopani u Potočarima, ili im se još uvijek traga za posmrtnim ostacima.

Ne bi imao dovoljno energije da iskaže svu bol za njegovo Pobuđe koje je palo 13 marta 1993 jer bi osjetio svaku riječ na rukama njegove nane i u očima njegovog dida.

Mirnes ima 17 godina, njegova inspiracija leži u Srebrenici, u Potočarima, u Bratuncu. Ali, kada je riječ o Podrinju, on ne bi imao snage da kaže da je juli mjesec...

Juli je mjesec, a ja nisam pisac.

Data mi je prilika, pa kako je 31.maja djete Bratunca odalo počast Zrtvama Prijedora, Danas, pred vama stoji prijedorcanka koja skromno želi odati počast žrtvama Srebrenickog genocida.

Mirnesova i moja današnja poruka je sljedeća : Budimo ujedinjeni!!

Danas, neka svi ujedinjeni stojimo uz Srebrenicu.

Rekla sam da želim odati počast Srebrenici kroz pjesmu jednog mladog pjesnika. Ovako Mirnes priča o Bosni dok mu inspiracija lezi u Srebrenici :

Bosno moja
Noćas se umivam tvojom kišom

I pozivam te na moj posljednji ispraćaj

Ti ćeš znati gdje se nalazi mezar moj
Otac i majka će ga tražiti
Ali za života svoga naći ga neće

Zemljo moja

...

I nikad nikom nemoj šapnuti
Da sam priželjkivao smrt svoju

Ovo je jednostavno sudbina
I svako od nas kroji svoju

Ja sam sebe halalio tebi
Neka moja krv bude dio rijeka tvojih
Neka moje tijelo bude dio planina tvojih
I moje sitne želje utišane su
Svima halalim
A tebi domovino nemam šta halaliti
Ti si u meni više nego li ja u tebi

Bosno moja

Hercegovino moja
Doći će ponovo i sa istoka
I sa zapada doći će

Ti ostani časna

Ostani plemenitija od plemenitosti
Neka je Božija milost nad tvojim gorama
Voli svoju historiju
Zavij rane i kreni u boj
Sad jače no ikad

Nepravedni neka osjete pravdu
Zlonamjernici neka se ponovo spotaknu
Od tvoj prag i na istoku i na zapadu

A ti odgajaj generacije dobrih
Mene nema i nikog od ljudi biti neće
Ali tebe Bosno ima i bit će
Do Časa odabranoga